

**S A M Þ Y K K T**

fyrir Vatnafélagið Landvörn í Skagafirði.

**1. gr.**

Félagið heitir Vatnafélagið Landvörn.  
Heimili þess og varnarþing er í Akrahreppi.

**2. gr.**

Tilgangur félagsins er að vinna gegn landbroti af völdum Héraðsvatna og hættulegum breytingum á rennsli þeirra á svæðinu frá Uppsölum í Akrahreppi að Grundarstokksbrú.

Tilgangi sínum hyggst félagið ná með því að láta fara fram verkfræðilega athugun á rennsli Héraðsvatnanna á félagssvæðinu og vinna síðan að þeirri mannvirkjagerð, sem nauðsynleg verður talin, og samþykki næst um innan félagsins.

Mannvirkjagerð er löglega samþykkt, ef  $\frac{2}{3}$  fundarmanna á löglegum fundi í félaginu samþykkja hana.

**3. gr.**

Félagssvæðið nær til eftirtalinna landareigna.

**Í Akrahreppi:**

1. Miðgrund.
2. Syðstagrund.
3. Stóru Akrar I.
4. Stóru Akrar II.
5. Höskuldsstaðir.
6. Miðhús.
7. Þorleifsstaðir.
8. Grundarkot.
9. Hrólfsstaðir.
10. Miklibær.
11. Víkurkot.
12. Víðivellir.
13. Ásgarður.
14. Hella.
15. Miðsitja.
16. Sólheimar.
17. Sólheimagerði.
18. Sunnuhvoll.
19. Úlfsstaðir.
20. Kúskerpi.
21. Uppsalir.
22. Stokkhólmi.
23. Mikley.

**Í Seyluhreppi:**

1. Vallanes.
2. Vellir.

**Í Lýtingsstaðahreppi:**

1. Laugardalur.
2. Héraðsdalur.
3. Stapi.
4. Steinsstaðir.
5. Reykir.

Samtals 30 landareignir, og fylgir eitt atkvæði hverri landareign.

**4. gr.**

Aðalfund félagsins skal halda eigi síðar en í júní ár hvert. Skal hann boðaður með minnst einnar viku fyrirvara. Fundarboðun skal fara fram bréflega eða símleiðis. Aukafundi skal boða á sama hátt og halda, ef stjórn félagsins telur ástæðu til eða einn þriðji félagsmanna óskar þess. Fundir eru lögmatir, ef löglega er til þeirra boðað.

**5. gr.**

Stjórn félagsins skal kosin á aðalfundi. Hana skipa 5 aðalmenn og jafnmargir til vara. Stjórnarnefndarmenn skulu kosnir til 5 ára í senn, þó þannig að eftir eitt ár gangi einn aðalmaður og einn varamaður úr eftir hlutkesti og þannig áfram. Ber því árlega að kjósa einn aðalmann og einn varamann. Á aðalfundi skulu kosnir 2 endurskoðendur og tveir til vara. Kosning endurskoðenda gildir til tveggja ára.

Stjórnin skiptir með sér verkum.

**6. gr.**

Reikningsár félagsins skal vera almanaksárið.

Reikningarnir skulu undirritaðir af stjórn félagsins og endurskoðaðir af kjörnum endurskoðendum.

**7. gr.**

- A. Kostnaður við rekstur félagsins greiðist úr félagssjóði, sem myndaður skal með árgjöldum félagsmanna. Árgjöldin skulu ákveðin á aðalfundi ár hvert.
- B. Kostnaði landeigenda af áætlana og mannvirkjagerð skal jafna niður eftir landverði jarða.

Stjórn félagsins semur gjaldskrá, er sýni hundraðshluta hvernjar jarðar í þessum kostnaði, með tilliti til staðsetningar mannvirkja hverju sinni.

Gjaldskráin skal borin undir fund í félaginu, og er hún bindandi fyrir alla félagsmenn, ef  $\frac{2}{3}$  fundarmanna samþykkja hana.

Náist ekki löglegt samþykki fyrir gjaldskrá, getur stjórn og þeir félagsmenn, sem ágreining gera, komið sér saman um gerðardóm í málinu.

Verði ekki samkomulag um gerðardóm, geta eigendur krafizt mats.

Kostnaður við mat greiðist af matsbeiðanda, verði gjaldskrá gagnvart viðkomandi ekki breytt eða komi til hækkunar við matið, en úr félagssjóði, ef gjaldskrá lækkar gagnvart matsbeiðanda.

Hafi félagsmenn, sem ágreining gera varðandi gjaldskrá, ekki samþykkt gerðardóm eða óskað eftir mati, innan 14 daga frá því að gjaldskráin var lögð fyrir fund í félaginu, tekur hún gildi.

## 8. gr.

Gjöld þau, er um ræðir í A og B lið 7. gr. eru lögtakskræf.

## 9. gr.

Brot félaga á samþykktum félagsins varða sektum, allt að kr. 5000.00 — fimm þúsund krónum.

## 10. gr.

Mál út af brotum á samþykkt þessari skulu fara að hætti almennra lögreglu-mála.

## 11. gr.

Samþykktum þessum má aðeins breyta á aðalfundi, enda samþykki  $\frac{2}{3}$  hlutar fundarmanna breytinguna og hennar hafi verið getið í fundarboði.

## 12. gr.

Til að slíta félaginu þarf að ræða félagsslit á tveimur aðalfundum í röð, og eru þau lögmæt, ef  $\frac{3}{4}$  félagsmanna mæta á síðari fundinum og  $\frac{2}{3}$  félagsmanna samþykkja félagsslit.

## 13. gr.

Verði félaginu slitið, skulu eignir þess ávaxtaðar í Útibúi Búnaðarbanka Íslands á Sauðárkróki.

Verði síðar stofnað annað félag á þessu svæði og í sama tilgangi, skulu þessar eignir renna til þess félags.

Samþykkt þessi staðfestist samkvæmt vatnalögum nr. 15 20. júní 1923.

*Landbúnaðarráðuneytið, 30. desember 1970.*

**Ingólfur Jónsson.**

*Þorv. K. Þorsteinsson.*

## AUGLÝSING

### um umferð í Reykjavík.

Samkvæmt heimild í 65. gr. umferðarlaga nr. 40, 23. apríl 1968 hefur eftirfarandi verið ákveðið:

1. Einstefnuakstur verður á bogagötu framan við Háskólann frá norðri til suðurs.
2. Bifreiðastöður verða bannaðar á nefndri bogagötu framan við skólabygginguna og vinstra megin miðað við akstursstefnu.

*Lögreglustjórnin í Reykjavík, 18. nóvember 1970.*

**Sigurjón Sigurðsson.**